


Encuentro di proverbio y dicho

Sabiduria popular, ta di nos tur



DEN cuadro di celebracion di 60 aña di Biblioteca Nacional Aruba, Instituto Pedagogico Arubano, Biblioteca Nacional Aruba y dr. Wim Rutgers, apoya pa Landsdloterij, Aruba Trading Company y Ideal Party Center ta organisa nan prome actividad di aña 2010.

Aña pasa a organisa e tema rond di Nicolas (Colá) Debrot.

E aña aki e tema lo ta "Sabiduria Popular ta di nos tur" y e fecha ta mañan, diaranson 13 di januari 2010, cuminsando for di 6.30 di atardi te 9.30 di anochi na sede Arubiana di Biblioteca Nacional Aruba, den Bachstraat # 5.

Sabiduria popular te encera dicho, proverbio, expresion,

sprèkò, puña of con cu bo kier yam'e.

Como invitado special y orador lo tin Domingo "Wini" Poulo y reportero Chaco Castro di hermana isla Corsow, autor y motivado di dos obra di dicho y proverbio na Papiamento titula *Dosshen kòndòpi.. un kabuya y Palu pa garoti*.

E titulo di e encuentro "Sabiduria Popular ta di nos tur", kier men tambe cu nos hendenan cu a aporta na Sabiduria Popular lo participa den un foro pa comparti nan experiencia cu nos. Ta trata di entre otro:

- Digna Laclé-Herrera, autor di buki di proverbio;
- Ernesto Rosenstand, respon-

sabel pa diferente rubrica encuan to dicho y proverbio den diferente medio di prensa;

- Jossy Mansur, conocido reportero y autor di casi 100 obra;
- Mario Dijkhoff, autor di buki di proverbio;

- Marco Christiaans, autor di e poema "Wespen" lo recita y dedica e poema na huesped Wini Poulo, oriundo di Wespen, Banda'abou;

Mirto Laclé, organisador di e encuentro lo duna un introduccion di e tema y e investigacion haci rond di e tema durante ultimo añanan, cu un atencion special na e dos obranan di Wini Poulo.

Exposicion; lo tin un exposicion di obranan cu ta trata Sabiduria Popular.

- "Na tera di galiña, kakalaka no tin palabra", ta titulo di un cancion di Grupo Kilelé, bou liderazgo di Harry Zimmerman y Emerita Emerencia;

- Sharon Rose y Rincon Boys lo deleita cu "Mi hamaca", "Plegaria", "Haladó" y "Bonochi, te mayan";

- Y cu Robert Maduro y su Alma Folclorico ...un tabla lo bula

- Clabo ta saca clabo! - Abo lo t'ei? - Sa puntra morto cu e kier bela? - Pero: Camarón que se duerme, se lo lleva la

Maestro, docente di idioma, interesado, pueblo en general sea bonbini na e prome actividad di 2010 di B.N.A., IPA y dr. Wim Rutgers.